



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Hymnis. VI.

urn:nbn:de:hbz:466:1-40233

Vel quia Psalmus *Venite* dicitur eo die in Nocturnis; neque bis in eodem Officio dici Psalmus solet, Dur. lib. 6. cap. 16. & in tertio Nocturno Psalmus ille dicitur; quia tempore gratiae inuitantur omnes ad Deum, non ita communiter in lege, & ante legem. Vnde frequens est repetitio verborum, *Venite, adoremus eum.*

6 Non dicitur in triduo ante Pascha, ne inuitemur, sed potius per silentium detestemur pestiferum Iudæorum consilium & conuentum eorum contra Christum. Præterea Apostoli tunc dispersi erant, qui alios ad Dominum inuitare consueuerant, Durand. lib. 6. cap. 72.

7 Quando, & cur in Officio Defunctorum dicatur, vel taceatur, dicimus *ultima Sectione.*

De Hymnis.

C A P. VI.

Hymni Græcè, laudes Latinè. Sunt enim cantus laudem continentates Dei, Aug. *Psal.* 72. ita ut hæc tria constituant Hymnum, Laus, Dei Laus, & Cantus. Carmina quæcumque in laudem Dei, Hymni vocantur ab Isidor. lib. 1. de *Diu. Offic.* cap. 6.

2 Primus auctor David, ex Isid. *ibid.* inter Græcos è nostris primus Hierotheus, & Nepos, apud Eusebium lib. 7. *Hist. cap. 19.* Deinde Hilarius è Latinis librum edidit Hymnorum Ecclesiasticorum, teste Hieron. *de Script. Eccles.* quem imitatus Ambrosius, Hymnos populo componens, persecutionem Iustinæ Augustæ rerum nouitate leniuit, ut scribit Walafr. *de Reb. Eccl. cap. 25.* & tunc in Ecclesia quoque cantari cœperunt, quam-

quam & Apostolicum inuentum fuisse dicendum est, de quo Paul. *Coloff. 3. Ephes. 5.* imò à Christo deduci potest, qui, Hymno dicto, exiuit in montem Oliueti, *Matth. 26.*

3 Cantandos autem in Ecclesia Romana composuit quoque Gelasius Papa, ex *VValafr. loco cit.* vsumque eorumdem in Horis Canoniceis approbavit Conc. Turon. II. *can. 24.* Tolet. IV. *cap. 12.*

4 Significant Hymni fortitudinem & maiestatem Dei, & eiusdem vel beneficia, vel facta miranda, ait Hieron. citatus ab Amal. lib. 4. cap. 3. Vnde & stando eos cantamus, ob reuerentiam; & vt ostendamus, nos sūrum habere quoque ad Deum corda nostra, Duran. lib. 5. cap. 2.

5 Multos enumerat Hymnos Radul. *Propos. 13.* qui erant tunc in vsu; è quibus nos habemus eos qui sequuntur; quorum Autores hoc loco addimus, prout alij nobis tradiderunt non contemnendi Scriptores.

1 *Ad canam Agni prouidi.* Non-dum noui auctorem.

1 *Æterna celi gloria.* Ambrosij est, ex *Mich. Timotheo.*

1 *Æterna Christi munera.* Apostolorum, & Martyrum. Ambrosiani sunt, ex *Dion. Carthus.* & *Clemonæ.* Sed alterum pro Martyribus tribuit Gregorio Timotheus, *in quadam editione, non in omnibus.*

1 *Æterne rerum Conditor.* Ambrosianus est, ex *Radulph. loco citato,* & ex *Timoth.*

1 *Ales diei nuntius.* Prudentij, ex *Clemonæ.* & *Timoth.*

4 *Angularis fundamentum.* Pars est Hymni, *Urbs Ierusalem beata.* de quo infra.

3 *Antra deserti teneris sub annis.*

I 2 Pauli

68 Comment. in Rubr. Breuiarij. Sect. V. Cap. VI.

Pauli Diaconi, ex Clitou. Carthus.
Timoth.

1 A solis ortus cardine. Sedulij, ex Cornel. Schult. tom. 1. par. 2. cap. 6. Bibliot. Alphabeticus est, quia primi versus ab A. alij à B. C. D. &c. quod notauit Timoth.

1 Audi benigne Coditor. Ambrosij, ex Cornel. loco citato. Prudentij, ex Timoth. Gregorij, ut in eiusdem Operibus tom. 5. Roma 1593. in calce Sacramentary.

5 Ave maris stella S. Bernardo tribuitur à Franc. Costero.

2 Aurea luce, & decore roseo. Elpis vxoris Boëtij, quæ vixit circa an. 522. in Ligno vita, de Anicia familia.

1 Aurora iam spargit polum. Ambrosij, ex Timoth. si nota marginalis est Timothei. non enim ita in omnibus eiusdem libris habetur.

1 Aurora lucis rutilat. Ambrosij, ex Cornelio.

1 Beata nobis gaudia. Hilarij, ex Cornelio.

1 Celi Deus sanctissime. Ambrosij dicitur esse in quibusdam Breuiarijs.

1 Christe redemptor omnium. in Natali. Ambrosianus est, ex Timoth.

3 Christe Sanctorum decus Angelorum. Desideratur auctor.

1 Conditor alme siderum. Ambrosij, ex Timoth.

1 Consors paterni luminis. Ambrosij, ex Cornelio.

1 Deus tuorum militum. Ambrosij, ex Radul. Gregorij, ex Timoth.

3 Ecce iam noctis tenuatur umbra. Gregorij, ex Clitou. & Timoth. in calce Sacram. Gregorij habetur.

1 Ex more docti mystico. Ambrosij, ex Timoth.

1 Exultet celum landibus. Ignoratur auctor.

1 Hostis Herodes impie. Sedulij, ex Timoth.

1 Jam Christe Sol iustitiae. Ambrosij, in quibusdam Bren. & ex Io. Baptista Rubeo.

1 Iam Christus astra ascenderat. Ambrosij, ex Radul. Greg. ex Cornelio.

1 Iam lucis orto sidere. Ambrosij, ex Clitou. Carthus. Timoth.

1 Iesu corona celsior. Ambrosij, ex Radulpho.

1 Iesu corona Virginum. Ambrosij, ex Radul. Gregorij, ex Timoth.

1 Iesu nostra redemptio. Ambrosij, ex Cornelio.

1 Iesu redemptor omnium. Desidero auctorem.

1 Immense celi Conditor. Ambrosij, ex Timoth.

3 Iste Confessor Domini sacratus. Nondum scitur auctor.

1 Lucis Creator optime. Gregorius est, ex Timoth. & habetur in calce Sacram. Gregoriani.

4 Lustris sex qui iam peractis. Ambrosij, ex Iacobo de Valentia in Psalmum 95. apud Timoth. sed videtur auctor qui scriptit Pange lingua: unde ut unus Hymnus habetur in Missa Fer. 6. in Parasceue.

1 Lux ecce surgit aurea. Prudentij, ex Io. Baptista de Rubeis in Psalmer.

1 Magna Deus potentiae. Ambrosij, in quibusd. Bren.

1 Martyr Dei, qui unicum. Auctor nescitur.

3 Nocte surgentes vigilemus omnes. Gregorij, ex Clitou. & Timotheo. & legitur in calce Sacram. Gregor.

1 Nox atra rerum contegit. Ambrosij, ex Timoth.

1 Nox, & tenebrae, & nubila. Prudentij, ex Clitou. & Timoth.

1 Nunc

1 Nunc sancte nobis Spiritus. Ambrosij, ex Clitou. Carthus. Timoth.

1 O gloriofa Domina. Fortunati, ex Cornelio. Ambrosij, ex Rubeo.

1 O lux beata Trinitas. Alcuini, ex Cornelio. Gregorij, ex Timoth.

3 O nimis felix, merisque celsi. Pauli Diaconi, ex Clitou. Carthus. Timoth.

4 Pange lingua gloriofi Pralium certaminis. Fortunati, ex Baron. an. 566. & Timoth.

1 Plasmator hominis Deus. Ambrosij, in quibusdam Breu. Gregorij, in alijs Breu.

1 Primo dierum omnium. Gregorij, ex Clitou. Timoth. & habetur in calce Sacram. Greg.

1 Quem terra, pontus, aethera. Fortunati, ex Cornel. Gregorij, ex Timoth.

1 Rector potens verax Deus. Ambrosij, ex Clitou. Carthus. Timoth.

1 Rerum Creator optime. Ambrosij, ex ysdem.

1 Rerum Deus tenax vigor. Ambrosij, ex ysdem.

1 Rex gloriose Martyrum. Gregorij, ex Timoth.

1 Rex sempiterne Domine. Quis mihi det auctorem?

6 Sanctorum meritis inclita gaudia. Neque auctorem noui.

1 Somno refectis artibus. Ambrosij, ex Cornel. & Timoth.

1 Splendor paternæ glorie. Ambrosij, ex Radul. & Timoth.

1 Summa Deus clementiae. Ambrosij, ex Carth. & Timoth.

1 Te lucis ante terminum. Ambrosij, ex Cornel. & Timoth.

1 Telluristengens Cöditor. Ambrosij, in quibusdam Breu.

4 Tibi Christe splendor Patris. Quis auctor?

1 Tu Trinitatis unitas. Ambrosij, ex Cornelio.

1 Veni creator Spiritus. Ambrosij, ex Cornelio.

1 Verbum supernum prodiens A Patre. Gregorij, in quibusdam Breu. S. Thom. Aquin. ex Timoth. quem forte fecellit alterius Hymni simile principium.

1 Vexilla Regis prodant. Theodulphi, seu Theoduli, ex Benzonio in Magnificat lib. 1. cap. 6. Fortunati, ex Baron. an. 566. Sedulij, ex alijs, vel Ambrosij, apud Timoth.

3 Virginis proles, opifexque matris. De auctore nemo.

1 Vox clara ecce intonat. Ambrosij, ex Cornelio.

4 Vrbs Ierusalem beata. Auctor Ambrosius, ex Rubeo.

3 Ut queant laxis resonare fibris. Pauli Diaconi. Henc putant aliqui in prima strophe collegisse sex notas musicales, Ut, re, mi, fa, sol, la, sed errant: nam haec note cœptæ sunt adhiberi tamquam musicales à Guidone Abbatte, qui Græcos imitatus musicos syllabis vlos ad musicam docendum, adinuenit & ipse has syllabas Latinas de prædicta Hymni strophe desumptas, ut scribit Arnoldus auctor Ligni vitæ libro 5. Obiit autem Guido ann. 1020. longè post Paulum Diaconum, qui flouruit anno 770.

6 Radulph. loco citato significat alios Hymnos fuisse tunc in vlo in Hymnis Romanis, & fortasse non paucos de sequentibus, quos ille non indicat: & habentur in Breuatio Pij V.

1 Aeterne Rex altissime. Gregorij, in quibusdam Breu. habetur etiam in Breu. M.S. ante annos 300.

I 3 I Ater-

70 Comment. in Rubr. Breuiarij. Sect. V. Cap. VI.

1 *Aeterne Patris uice.* Non ante annum 1550. auctorem desidero.

1 *Amor Iesu dulcissime.* Bernardo tril uit *Timoth.* in *Breuiar.* non ante ann. 1550. fuit in vfa.

1 *Audit tyrannus anxius.* Prudentij, ex *Timoth.* post ann. 1550. est in *Breuiar.*

1 *Christe Redemptor omnium.* de Omnibus Sanctis. Ambrosij, ex *Timoth.* habetur in *præd. Breu. M. S.*

1 *Claro Paschali gandio.* Habetur in *præd. M. S. Breuiar.* Auctor idem qui Hymni, *Tristes erant Apostoli.* vnu enim erat Hymnus, qui nunc diuisus est.

6 *Custodes hominum psallimus Angelos.* An. 1608. auctoritate Pauli V.

2 *Doct̄or egregie Paule.* Elpis dicitur esse à Cornelio *suprà.* habetur in *præd. M. S. Breu.*

1 *Fortem virili pectore.* Syluij Card. Antonian. in *Recognit. Breu. à Clem. VIII.*

3 *Huius obtentus Deus alme nostris.* Pars Hymni, *Virginis Proles.* de quo infrā.

2 *Iam bone Pastor Petre.* Elpis. Habetur in *præd. Breu. M. S.*

1 *Iesu Salvator seculi.* In *præd. Breuiar. M. S.* sed auctorem nescio.

1 *Memento salutis auctor.* Pars est Hymni Natalis Domini: *Christe Redemptor omnium.*

1 *Nardo Maria pistico Pars Hymni in benedictione palmarum,* in *Ordoine Romano.* mutatus est in *Breuiarij recognitione* sub Clemente VIII. & est S. Gregorij, ex *Rubeo.*

1 *Orbis patrator optime.* An. 1608. iussu Pauli V.

1 *O sola magnarum urbium.* Prudentij, ex *Timoth.* non ante annum 1550. in *Breuiario* est.

4 *Pange lingua glorioſi Corporis.* S. Thomæ Aquin. in *Opusc. 57.*

1 *Pater superni luminis.* Roberti Card Bellarm. in *Recognit. Breuiary.*

2 *Petrus beatus catenarum laqueos.* Dicitur Elpis. in *prædicto Breu. M. S.* ante 300. annos habetur.

1 *Quicunque Christum queritis.* Prudentij, ex *Timoth.* sed nota marginalis in alia editione tribuit Bernardo. non ante ann. 1550. habetur in *Breuiario.*

2 *Quodcumque vincis super terram.* Elpis. habetur in *prædicto Breuiario. M. S.*

6 *Sacris solemnis iuncta sint gaudia.* S. Thomæ, *Opusc. 57.*

1 *Saluete flores martyrum.* Prudentij, ex *Timoth.* non ante annum 1550. in *Breuiario* habetur.

1 *Tristes erant Apostoli.* habetur in *Breuiario. M. S. prædicto.* auctorem facit Ambrosium Rubeus.

1 *Verbum supernum prodicens.* Nec Paris. S. Thomæ, *Opusc. 57.*

Omn̄es ergo sunt numero xcvi.

7 Si rationem metri cuiusque scire cupis, breuiter addam: nam ad sex species ij reducuntur & formas. In prima sunt Hymni Iambici Dimetri, à Iambō pede, & à duabus mensuris ita dicti: & ij sunt, quos à capite notauimus hac nota 1. hoc est primæ speciei.

In secunda continentur Iambici Trimetri, à Latinis ternarij vel senarij appellati, qui constant sex pedibus, locis imparibus: ij verò sunt, quos notauimus à capite hac nota 2. hoc est secundæ speciei.

Tertia forma continet Sappicos cū Adonico in fine, notatos hac nota 3.

Ad quartam spectant Trochaici Dimetri, hac nota 4.

Quintæ

Quintæ formæ , nempe Trochaei , & à Seruio Ithyphallici , vnicus est Hymnus in eius laudem , quæ vnicæ est Mater & Virgo , *Aue maris stella* ; qui speciem metri tantum habet quoad syllabas , ut notant Clietou . & Carthus .

Sexta complectitur Asclepiadæos cum Glyconico in fine , notatos hac nota 6 .

8 Sed auctores Ecclesiasticorum Hymnorum leges metri sèpiùs neglexerunt , vt sensu verba consonarent : quod de se faterur S. Bernardus Epist. 312. ad Guidonem , & in prædictis patet . Ambrosius è supradictis accuratiùs Hymnos numero 37. compoñisse creditur , Gregorius octo , Bernardus duos , Hilarius vnum , sanctus Thomas quatuor , reliquos alij quos nominauimus .

9 Prædictos Hymnos emendauit tandem sanctissimus D. N. Urbanus V IIII. correctis falsis syllabis ultra nongentas , & mutatis idèo principijs Hymnorum ultra triginta , anno 1629. quos & landauit sacra Rituum Congregatio die 17. Martij eiusdem anni . Intactos reliquit tres de sanctissimo Sacramento , ratione Hetrusci rhythmi , quo auctor sanctus Thomas eos composuit : Hymnu item *Aue maris stella* , qui est soluta potius oratio , aliquibus incisis partita : & Hymnum Angelorum ad Vesperas , qui sine labe fuit , & paucos alios .

Index ergo deinceps hic erit.

- 1 A D regias Agni dapes .
- 1 Æterna cœli gloria .
- 1 Æterna Christi munera .
- 1 Æterne rex siderum .
- 1 Æterne rerum Conditor .
- 1 Æterne Rex altissime .

- 1 Ales diei nuntius .
- 1 Alto ex Olympi vertice .
- 3 Antra deserti teneris sub annis .
- 1 A solis ortus cardine .
- 1 Audi benigne Conditor .
- 1 Audit tyrannus anxius .
- 5 Aue maris stella .
- 1 Aurora iam spargit polum .
- 1 Aurora cœlum purputat .
- 1 Beata nobis gaudia .
- 2 Beate Pastor Petre , clemēs accipe .
- 1 Cœli Deus sanctissime .
- 3 Christe sanctorum decus Angel .
- 1 Christo profusum sanguinem .
- 1 Cœlestis vrbs Ierusalem .
- 1 Consors paterni luminis .
- 1 Creator alme siderum .
- 1 Crudelis Herodes , Deum .
- 6 Custodes hominum psallimus Angelos .
- 2 Decora lux æternitatis , auream .
- 1 Deus tuorum militum .
- 3 Ecce iam noctis tenuatur vmbra .
- 2 Egregie Doctor Paule mores instrue .
- 1 En clara vox redarguit .
- 1 Ex more docti mystico .
- 1 Exultet orbis gaudijs .
- 1 Fortem virili pectore .
- 1 Hominis superne Conditor .
- 3 Huius oratu Deus alme nobis .
- 2 Iam Christus astra ascenderat .
- 1 Iam lucis orto sidere .
- 1 Iam sol recedit igneus .
- 1 Iesu corona celsior .
- 1 Iesu corona virginum .
- 1 Iesu Redemptor omnium , Perpes .
- 1 Iesu Redemptor omnium , Quiescens .
- 1 Immense cœli Conditor .
- 1 Inuictæ Martyr , vnicum .
- 3 Iste Confessor Domini , colentes .
- 1 Lucis Creator optime .
- 4 Lustra sex qui iam peregit .
- 1 Lux alma Iesu mentium .

1 Lux

1 Lux ecce surgit aurea.
 1 Magnæ Dens potentia.
 1 Maria castis osculis.
 1 Memento rerum Conditor.
 2 Miris modis repente liber , ferrea.
 3 Nocte surgentes vigilemus omnes.
 1 Nox atra rerum contegit.
 1 Nox, & tenébra, & nubila.
 1 Nunc sancte nobis Spiritus.
 1 O gloria virginum.
 3 O nimis felix, meritiq; celsi.
 1 O sola magnarum vrbium.
 1 O Sol salutis , intimis.
 4 Pange lingua gloriosi Corporis.
 4 Pange lingua gloriosi Lauream.
 1 Paschale mundo gaudium.
 1 Pater superni luminis.
 1 Placare, Christe, seruulis.
 1 Primo die quo Trinitas.
 1 Quem terra , pontus, sidera.
 1 Quicumque Christum queritis.
 2 Quodcumque in orbe nexibus re-
uinxeris.
 1 Rector potens, verax Deus,
 1 Rerum Creator optime.
 1 Rerum Deus tenax vigor.
 1 Rex gloriose Martyrum.
 1 Rex templerne cælitum.
 6 Sacris solemnis iuncta sint gaudia.
 1 Saluete flores Martyrum.
 1 Salutis æternæ dator.
 1 Salutis humanæ sator.
 6 Sanctorum meritis inclita gaudia.
 1 Somno refectis artibus.
 1 Splendor paternæ gloriæ.
 1 Summa Parentis clementiæ.
 1 Summi Parentis vnicæ.
 1 Te lucis ante terminum.
 1 Telluris alme Conditor.
 1 Te splendor, & virtus Patris.
 1 Tristes erant Apostoli.
 1 Tu Trinitatis vnitas.
 1 Veni, Creator Spiritus.
 1 Verbū supernum prodiēs, E Patris,

1 Verbum supernum prodiens ,
Nec Patris.
 1 Vexilla Regis prodeunt.
 3 Virginis proles , opifexq; matris.
 3 Ut queant laxis resonare fibris.
 10 Mendum putant aliqui in Hym-
nis Iambicis , quando legunt nouem
syllabarum versus , non aduertentes ,
Anapæstum ponи pedem primo loco ,
qui constat duabus primis syllabis
breuibus & tertia longa , pro Spon-
deo , vel Iambo ; vt , Hominis super-
ne Conditor ; Populiq; Rex Iudaici ;
Tibi mille densa millium ; Michaël
salutis signifer.
 11 Hymni dicuntur vel post Inui-
tatorium , ex institutione Gelafij , ait
Platina , in signum gaudij vocatorū ad
Deum , ex Mich. Timot. loc.cit.c. 17.
& ad excitanda sunt torpentina corda ,
Hugo Victor. lib. 2. de Offic. cap. 8.
Vel post Psalmos , vt excitemur ad
immediatè sequens Canticum Euau-
gelicum , vt in Laudibus , Vesperis ,
& Completorio , Hugo ibidem . Vel
ante Psalmos , vti ad alias Horas ; vt
initio Horæ ad dulcedinem diuini a-
moris retrahantur corda curis quoti-
dianis occupata , Hugo ibid.
 12 Finis Hymnorū variatur pro
ratione Festorum , vt dicitur in Ry-
bric. de Hymnis num. 4. & in Natui-
tate Domini , auctore sancto Bona-
uentura , usque ad Epiphaniam fit
semper mentio de partu Virginis . Idem
fit in Festo Corporis Christi , auctore
sancto Thoma Aquinate , in hono-
rem Deiparae : de cuius carne est caro
Christi . & habetur in Decreto à no-
bis supra citato Ioan. XXII. In Epi-
phania , quæ significat apparitionem ,
apparet ratio , cur dicatur in fine ,
Qui apparuisti Gentibus : ob eamdem
causam dicitur , Qui te renelas par-
nulis ,

anlis, in Transfiguratione Domini. Reliquarum terminationum patet ratio; nisi dubites in Pentecoste, cur dicatur, *Deo Patri sit gloria*, &c. qui finis hodie communis est temporis Paschali. Sed, sicut attinent ad Paschale tempus ea verba, à mortuis surrexit; ita ad Pentecosten illud verbum *Paracletus*, cui fit Festum in Pentecoste.

13 Excipiuntur duo genera Hymnorum, quæ non patientur mutationem aliquam, nimirum quando Hymni non sunt eiusdem metri: absolum enim esset, præsertim ubi cantantur Hymni, & quando Hymni habent ultimum Versum proprium, hoc est, ita proprium, ut si careat solito fine, careat petitione, quæ fit ad Deum ante glorificationem sanctissimæ Trinitatis, vel simul cum eadem glorificatione, cuiusmodi sunt ultimi Versus Hymnorum, *Vni, trinoque Domino*, &c. *Tenunc Redemptor quæsumus, Ut martyrum consortio, Te fons salutis Trinitas*, in Hymno sanctæ Crucis.

14 Conclusio verò Hymnorum semper fit vel ratione temporis, vel ratione Octauæ, quamvis in Officio nulla fiat de tempore vel de Octaua commemoratio; ea ratione qua dicitur Præfatio de tempore, vel de Octaua in Feste, quod propriam non habet Præfationem, ut in Rubric. Mis. fal. titulo 12. num. 3.

15 In Officio Semiduplici de beata Virgine, quod à Regularibus ex privilegio fit in Sabbato, si in primis Vesperis dicatur saltē Capitulum de beata Virgine, dicitur in Vesperis, & in Completorio, *Iesu, tibi sit gloria, Qui natus es de Virgine*: & item, si fiat tantum commemoratio, adhuc illud di-

citur in Completorio. In secundis autem Vesperis si fiat de ea commemoratio, eodem modo concluduntur Hymni usque ad Completorium inclusiū, ut habetur in libello Officiorum PP. Discalceatorum à sacra Congregatione Ritu approbat, & Romæ impresso anno 1629. Atque idem seruandum est in Officio Semiduplici de sanctissimo Sacramento, in Ferijs quintis à Regularibus celebrando, ex eadem sacra Congreg. ibid. Si verò nulla fiat in Vesperis commemoratio, neque in Completorio variatur finis Hymni.

16 Dices, Cur dicitur, *Qui scandis super sidera*, cùm in alijs utamur verbo temporis præteriti? Respondeo, illud à S. Ambrosio fuisse dictum in Hymno ratione metri; quem secutus Urbanus dici iussit, *Qui victor in celum redis*.

De Antiphonis.

C A P. V I I.

1 **A**ntiphona idem est ac vox opposita, seu contrasonans. Alcuin. de Celebr. Missæ, & Amal. lib. 4. de Off. cap. 7. vocem reciprocam interpretantur; quia inchoatur ab uno vnius Chori, & ad eius symphoniam cantatur Psalmus per duos Choros, ipsaque Antiphona coniunguntur simul duo Chorii. Hinc usu receptum est, ut sententia, quæ Psalmum aut Canticum præcedit, Antiphona dicatur, ex Duran. lib. de R. et. 3. cap. 17.

2 Author Antiphonarum fertur Ignatius Antiochenus, ex Cassiod. in Tripartitalib. 10. cap. 9. post quamdam visionem Angelorum, quos vidit unum ad alterum cantantes, San-

K. ctus,